

古今圖書集成

卷一百一十五

目錄
一、詩經
二、楚辭
三、漢書
四、後漢書
五、三國志
六、晉書
七、宋書
八、南齊書
九、梁書
十、陳書
十一、魏書
十二、北齊書
十三、周書
十四、隋書
十五、南史
十六、北史
十七、舊唐書
十八、新唐書
十九、舊五代史
二十、新五代史
二十一、宋史
二十二、遼史
二十三、金史
二十四、元史
二十五、明史

古今圖書集成

中華書局影印

欽定古今圖書集成博物彙編草木典
第二百五十卷目錄

椒部彙考

椒圖

胡椒圖

崖椒圖

蔓椒圖

地椒圖

詩經唐風椒聊 陳風東門之枌 周頌載芣

爾雅釋木

春秋緯通千福

山海經北山經 中山經

賈思勰齊民要術種椒

毛詩陸疏廣要椒聊之實

段成式酉陽雜俎胡椒

徐光啓農政全書椒考

本草綱目赤椒 蜀椒 崖椒 蔓椒 地椒 胡椒 附華澄茄 山胡椒 番椒

高濂遵生八牋製川椒法

椒部藝文一

椒華銘

椒贊

元日獻椒花頌

椒部藝文二詩

椒園

寄懷歸州馬判官

晉成公綏

郭璞

劉琰妻

唐王維

裴迪

僧齊己

次韻袁公濟謝苜蓿

地椒

花椒

椒部選句

椒部紀事

椒部雜錄

宋蘇軾

元許有壬

明僧宗林

草木典第二百五十卷

椒部彙考

釋名

椒詩經

秦椒山海經

蜀椒本經

蔓椒本經

畢澄茄附

檳爾雅

胡椒百陽雜俎

崖椒爾雅

地椒嘉祐

椒圖



胡椒圖

崖椒圖

蔓椒圖



地椒圖



詩經

唐風椒聊

椒聊之實蕃衍盈升彼其之子碩大無朋椒聊且遠條且

椒聊椒也箋椒之性芬香而少實今一椽之實蕃衍滿升非其常也疏釋木云椒大椒郭璞曰今椒樹叢生實大者名為檇陸璣疏曰椒聊語助也椒樹似茱萸有針刺葉堅而滑澤蜀人作茶吳人作茗皆合煮其葉以為香今成阜諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香箋言一椽之實者椽謂椒之房裏實者也釋木云椒檇醜菜李巡曰檇菜莢也椒菜莢皆有房故曰椽椽實也郭璞曰茱萸子聚生成房是椒之房裏名為椽也知蕃衍滿升謂一椽之實者若論一樹則不啻一升纔據一實又不足滿升且詩取蕃多為喻不

言一實之大故知謂一椽之實也驗今椒實一裏之內唯有一實時有二實者少耳今言一椽滿升假多為喻非實事也王肅云種一實蕃衍滿一升若種一實則成一樹非徒一升而已不得以種一實為喻也注椒之蕃盛則采之盈升矣彼其之子則碩大無朋矣椒聊且遠條且嘆其枝遠而實益蕃也

兩手曰豺

陳風東門之枌

視爾如荍貽我握椒

椒芬香也疏椒之實芬香定本云椒芳物

周頌載芣

有椒其馨

爾雅

釋木

檇大椒

今椒樹叢生實大者名為檇疏檇者大椒之別也郭云今椒樹叢生實大者名為檇詩唐風云椒聊且陸璣疏云椒樹如茱萸有針刺葉堅而滑澤蜀人作茶吳人作茗皆合煮其葉以為香今成阜諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島上亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香

椒檇醜菜

註菜茱萸子聚生成房貌今江東亦呼茱萸檇似菜莢而小赤色疏菜者實之房椒檇之類實皆有菜彙自裏李巡曰椒菜莢皆有房故曰菜菜實也春秋緯

運斗樞

玉衡星散為椒

椒桂合剛陽

註椒桂陽星之精所生也合猶連體而生也

山海經

北山經

景山其草多秦椒

註子似椒而細葉

中山經

琴鼓之山其木多椒栢

虎尾之山其木多椒栢

楮山多椒栢

賈思勰齊民要術

種椒

爾雅云檇大椒廣志曰胡椒出西域范子計然曰蜀椒出五都秦出天水案今青州有蜀椒種本商人居椒為美見椒中黑實乃遂生意種之凡種數千枝止有一根生數歲之後更結子實芳香形色與蜀椒不殊氣勢微弱耳遂分布種移略通州境也熟時收取黑子俗名椒目不用人手數近觸之則不生也

四月初畦種之

治畦下水如種葵法

方三寸一子篩土覆之令厚寸許復篩熟糞以蓋土上旱輒澆之常令潤澤生高數寸夏連雨時可移之移法先作小坑圓深三寸以刀子圓剗椒栽合土移之於坑中萬不一失

若拔而移者率多死

若移大栽者二月三月中移之先作熟糞泥掘出即封根合泥埋之

行數百里者亦得生

此物性不耐寒陽中之樹冬須草裹

不裹即死

其生小陰中者少稟寒氣則不用裹

所謂習以成性寒暑易容不能易質也

候實口開便速收之天時晴摘下薄布曝之令一日即乾色赤椒好

若陰時收者色黑失味

其葉及青摘取可以為茱乾而末之亦足充事

養生要論曰臘夜令持椒臥房牀旁無與人言內井中除瘧病

毛詩陸疏廣要

唐風

椒聊之實

椒聊語助也椒樹似茱萸有針刺莖葉堅而滑

澤蜀人作茶吳人作茗皆合煮其葉以為香今成

阜諸山間有椒謂之竹葉椒其樹亦如蜀椒少毒

熱不中合藥也可著飲食中又用蒸雞豚最佳香

東海諸島上亦有椒樹枝葉皆相似于長而不圓甚香其味似橘皮島上獐鹿食此椒葉其肉自然作椒橘香也

爾雅云檳榔大椒邢疏云檳者大椒之別也郭云今椒樹叢生實大者名爲檳詩唐風云椒聊且鄭註云檳大椒泰椒也與蜀椒相似稍大而香氣減焉俗呼樛子爾雅又云椒檳醜菜疏云檳檳之類實皆有葉叢自裹李巡曰椒菜葉皆有房故曰菜葉實也郭云菜葉于聚生成房貌今江東亦呼菜椒似茱萸而小赤色鄭云此類結子成毬菜葉雅椒似茱萸而小赤色內含黑子如點今謂椒目木有針刺葉堅而滑澤爾雅曰椒檳醜菜桃李醜核言桃李屬皆內核椒檳屬皆外菜也酉陽雜俎曰椒可以來水銀茱萸氣好上椒氣好下蓋椒氣性不上達故詩以譬沃也言沃盛強能修其政然其馨香下達而已詩曰椒聊之實蕃衍盈升椒聊之實蕃衍盈升沃以支子受邑其後遂將盛大則猶之椒也其實蕃衍而至於盈升盈升也莊子曰韋以哀椒雖踰絺絺然久則臭故天下之理有初雖若佳後更爲害不可不察也爾雅翼椒實多而香故唐詩以椒聊喻曲沃之蕃衍盛大聊語助也陳詩貽我握椒周頌有椒其馨離騷云維申椒與菌桂懷椒糈而要之九歌曰奠桂酒兮椒漿播芳椒兮成堂漢世皇后稱椒房取其實蔓延盈升以椒塗屋亦取其溫暖故長樂宮有椒房殿其後董賢女弟爲昭儀居舍與后相擬覆及晉世石崇王愷之徒相矜以富於是崇以椒爲泥泥其屋而愷以赤

石脂泥其壁云荆楚之俗正月一日長幼悉正衣冠以大拜賀進椒酒崔寔月令云過臘一日謂之小歲拜賀君親進椒酒從小起成公綏椒花銘云肇惟歲首月正元日是知小歲則用之漢朝元正則行之後世率以正月一日以盤進椒飲酒則撮實酒中號椒盤焉然椒亦能殺人故漢李咸欲爭寶后配成帝搗椒自隨而齊建武中欲併誅高武子孫令大醫養二斛椒熟則一時賜死此其事春秋運斗樞曰玉衡星散爲椒山海經曰琴鼓之山其木多椒孝經援神契曰椒糞雲濕菖蒲益聰蜀都賦丹椒爾雅以檳爲大椒謂叢生實大者又曰椒檳醜菜葉黃子聚生成房貌今江東亦呼菜云樹有針刺葉堅而滑澤每葉中亦有刺蜀人作茶吳人作茗皆煮其葉以為香又東海諸島上有椒子長而不圓其味如橘皮島上獐鹿食此葉者其肉自然作椒橘香范子計然曰蜀椒出五都赤色者善秦椒出天水隴西細者善通志椒曰舊藏曰陸撥曰南椒生於漢中者曰漢椒蜀中者曰蜀椒巴中者曰巴椒

按爾雅云村者聊郭氏鄭氏雖俱云未詳然聊爲木無疑矣或者木之糾曲者名聊烏知椒聊之聊非卽村者聊耶但向來諸家俱作助語辭不敢妄解

段成式酉陽雜俎

胡椒

胡椒出摩伽陀國呼爲昧履支其苗蔓生極柔弱葉長寸半有細條與葉齊條上結子兩兩相對其葉晨

開暮合則裹其子於葉中形似漢椒至辛粹六月採今人作胡盤肉食皆用之

徐光啓農政全書

椒考

務本新書曰三鄉椒種秋深熟時揀粒秋深摘于蔭乾將椒子包裹掘地深埋春暖取出向陽掘畦種之二年後春月移栽樹小時冬月以糞覆根地寒處以草裹縛次年結子椒不歇條一年繁勝一年元扈先生曰中伏後晴天帶露收摘忌手捻陰一日曬三日則紅而裂遇雨薄攤當風處頻翻若燒則黑不香若收作種用乾土拌和埋於避雨水地內深一尺勿令水浸生芽其自開口者殺人又曰椒子為油亦可食微辛甘管中人多以炷燈也造油如小油法

本草綱目

秦椒集解

別錄曰秦椒生泰山山谷及秦嶺上或瑯琊八月九月采實

陶弘景曰今從西來形似椒而大色黃黑味亦頗有椒氣或云即今樛樹子樛乃猪椒恐謬

蘇恭曰秦椒樹葉及莖子都似蜀椒但味短實細爾藍田秦嶺間大有之

蘇頌曰今秦鳳明越金商州皆有之初秋生花秋末結實九月十月采之爾雅云檉大椒郭璞注云椒叢生實大者為檉也詩唐風云椒聊之實繁衍盈升陸璣疏義云椒樹似茱萸有針刺葉堅而滑澤味亦辛香蜀人作茶吳人作茗皆以其葉合糞為香今成卑

諸山有竹葉椒其木亦如蜀椒少毒熱不中合藥也可入飲食中及蒸雞豚用東海諸島上亦有椒枝葉皆相似子長而不圓甚香其味似橘皮島上獐鹿食其葉其肉自然作椒橘香今南北所生一種椒其實大於蜀椒與陶氏及郭陸之說正相合當以實大者為秦椒也

寇宗奭曰此秦地所產者故言秦椒大率椒株皆相似但秦椒葉差大粒亦大而紋低不若蜀椒皺紋為高異也然秦地亦有蜀椒種

李時珍曰秦椒花椒也始產於秦今處處可種最易蕃衍其葉對生尖而有刺四月生細花五月結實生青熟紅大於蜀椒其目亦不及蜀椒目光黑也范子計然曰蜀椒出武都赤色者善秦椒出隴西天水粒細者善蘇頌謂其秋初生花蓋不然也

椒紅氣味

辛溫有毒

別錄曰生溫熱寒有毒

甄權曰苦辛

徐之才曰惡枯樓防葵畏雌黃

主治

本經曰除風邪溫中去寒痹堅齒髮明目久服輕身好顏色耐老增年通神

別錄曰療喉痹吐逆疝瘕去老血產後餘疾腹痛出汗利五臟

孟詵曰上氣欬嗽久風濕痺

甄權曰治惡風遍身四肢痛瘳口齒浮腫搖動女人月閉不通產後惡血病多年痢瘳腹中冷痛生毛髮

滅癰

朱震亨曰能下腫濕氣

附方

膏癰尿多其人飲少用秦椒二分出汗瓜蒂二分為末水服方寸匕日三服

類要

手足心腫乃風也椒鹽末等分醋和傅之良

肘後

損瘡中風以麴作餛飩包秦椒於灰中燒之令熟斷開口封於瘡上冷即易之

食療

久患口瘡大椒去閉口者水洗麴拌煮作粥空腹吞之以飯壓下重者可再服以瘳為度

本草

牙齒風痛秦椒煎醋含嗽

食療

百蟲入耳椒末一錢醋半盞浸良久少滴入自出

金方

李時珍曰蜀椒名

集解

別錄曰蜀椒生武都山谷及巴郡八月采實陰乾

陶弘景曰蜀郡北郡人家種之皮肉厚腹裏白氣味濃江陽晉康及建平間亦有而細赤辛而不香力勢不如巴郡者

蘇恭曰今出金州西域者最佳

蘇頌曰今歸峽及蜀川陝洛間人家多作園圃種之木高四五尺似茱萸而小有針刺葉堅而滑可煮飲食四月結子無花但生於枝葉間類如小豆而圓皮

紫赤色八月采實焙乾江淮北土亦有之莖葉都相類但不及蜀中者良而皮厚裏白味烈也

李時珍曰蜀椒肉厚皮皺其子光黑如人之瞳人故謂之椒目他椒子雖光黑亦不似之若土椒則子無光彩矣

修治

雷斅曰凡使南椒須去目及閉口者以酒拌濕蒸從巳至午放冷密蓋無氣後取出便入磁器中勿令傷風也

寇宗奭曰凡用蜀椒秦椒並微炒使出汗乘熱入竹筒中以梗搗去裏面黃殼取紅用未盡再搗或只炒熱隔紙鋪地上以盥覆待冷碾取紅用

椒紅氣味

辛溫有毒

別錄曰大熱多食令人乏氣喘促口閉者殺人

孟詵曰五月食椒損氣傷心令人多忘

李廷飛曰久食令人失明傷血脈

徐之才曰杏仁爲之使得鹽味佳畏款冬花防風附

子雄黃可收水銀中其毒者涼水麻仁漿解之

椒紅主治

本經曰邪氣欬逆溫中逐骨節皮膚死肌寒熱痹痛下氣久服頭不白輕身增年

別錄曰除六腑寒冷傷寒溫瘧大風汗不出心腹留飲宿食腸澀下痢洩精女子字乳餘疾散風邪癰結水腫黃疸鬼疰蠱毒殺蟲魚毒久服開腠理通血脈堅齒髮明目調關節耐寒暑可作膏藥

甄權曰治頭風下淚腰脚不遂虛損留結破血下諸

石水治欬嗽腹內冷痛除齒痛

大明曰破癥結開胃治天行時氣產後宿血壯陽療

陰汗暖腰膝縮小便止嘔逆

孟詵曰通神去老益血利五臟下乳汁滅癥生毛髮

李時珍曰散寒除濕解鬱結消宿食通三焦溫脾胃

補右腎命門殺蛇蟲止泄瀉

椒紅發明

蘇頌曰服食方單服椒紅補下宜用蜀椒乃佳投成式言椒氣下達餌之益下不上冲也

李時珍曰椒純陽之物乃手足太陰右腎命門氣分

之藥其味辛而麻其氣溫以熱稟南方之陽受西方

之陰故能入肺散寒治欬嗽入脾除濕治風寒濕痹

水腫瀉痢入右腎補火治陽衰洩數足弱久痢諸証

一婦人年七十餘病瀉五年百藥不效予以感應丸

五十九投之大便二日不行再以平胃糝加椒紅茴

香棗肉爲丸與服遂瘳每因怒食舉發服之即止此

除濕消食溫脾補腎之驗也按歲時記言歲旦飲椒

柏酒以辟疫癘椒乃玉衡星精服之令人體健耐老

柏乃百木之精爲仙藥能伏邪鬼故也吳猛真人服

椒訣曰椒稟五行之氣而生葉青皮紅花黃膜白子

黑其氣馨香其性下行能使火熱下達不致上熏芳

草之中功皆不及其方見下時珍竊謂椒紅丸雖云

補腎不分水火未免誤人大抵此方惟脾胃及命門

虛寒有濕鬱者相宜若脾胃素熱者大宜遠之故丹

溪朱氏云椒屬火有下達之能服之既久則火自水

中生故世人服椒者無不被其毒也又上清訣云凡

人喫飯傷飽覺氣上衝心胃痞悶者以水吞生椒一

二十顆即散取其能通三焦引正氣下惡氣消宿食

也又戴原禮云凡人嘔吐服藥不納者必有蛇在膈

間蛇聞藥則動動則藥出而蛇不出但於嘔吐藥中

加炒川椒十粒良蓋蛇見椒則頭伏也觀此則張仲

景治蛇厥烏梅丸中用蜀椒亦此義也許叔微云大

凡腎氣上逆須以川椒引之歸經則安

椒目氣味

苦寒無毒

椒目主治

蘇恭曰水腹脹滿利小便

甄權曰治十二種水氣及腎虛耳卒鳴聾勝脫急

朱震亨曰止氣喘

椒目發明

甄權曰椒氣下達故椒目能治腎虛耳鳴用巴豆苒

蒲同碾細以松脂黃蠟溶和爲挺納耳中抽之治腎

氣虛耳中如風水鳴或如打鐘磬之聲卒暴聾者一

日一易神驗

寇宗奭曰椒目治盜汗有功將目微炒碾細用半錢

以生猪上唇煎湯一合睡時調服無不效蓋椒目能

行水又治水蠱也

朱震亨曰諸喘不止用椒目炒碾二錢白湯調服二

三服以上切之後乃隨痰火用藥

李時珍曰椒目下達能行滲道不行數道所以能下

水燥濕定喘消蠱也

葉氣味

辛熱無毒

葉主治

大明曰奔豚伏梁氣及內外腎釣并霍亂轉筋和艾及葱礬以醋拌卷之

李時珍曰殺蟲洗脚氣及漆瘡

根氣味

辛熱微毒

根主治

李時珍曰腎與膀胱虛冷血淋色瘀者煎湯細飲色鮮者勿服

附方

椒紅丸治元臟傷憊目暗耳聾服此百日覺身輕少睡足有力是其效也服及三年心智爽悟目明倍常面色紅悅髮光黑用蜀椒去目及合口者炒出汗暴乾搗取紅一斤以生地黃搗自然汁入銅器中煎至一升候稀稠得所和椒末丸梧子大每空心煖酒下二十九合藥時勿令婦人雞犬見詩云其椒應五行其仁通六義欲知先有功夜見無夢寐四時去煩勞五臟調元氣明目腰不痛身輕心健記別更有奇能三年精自秘同老返嬰童康強不思睡九蟲頓消忘三尸自逃避若能久餌之神仙應可冀
仙方椒荅丸補益心腎明目駐顏順氣祛風延年眞川椒一斤炒去汗白茯苓十兩去皮爲末煉蜜丸梧子大每服五十九空心鹽湯下忌鐵器方經
虛冷短氣川椒三兩去目并合口者以生絹袋盛浸無灰酒五升中三日隨性飲之
腹內虛冷用生椒擇去不拆者用四十粒以漿水浸一宿令合口空心新汲水吞下久服煖臍駐顏黑

髮明目令人思飲食方斗門

心腹冷痛以布裹椒安痛處用熨斗熨令椒出汗即止孫真方

冷蟲心痛川椒四兩炒出汗酒一盃淋之服酒神方

陰冷入腹有人陰冷漸漸冷氣入陰囊腫滿日夜疼悶欲死以布裹椒包囊下熱氣大通日再易之以消爲度千金方

呃噫不止川椒四兩炒研麪糊丸梧子大每服十丸醋湯下神效方經

傳尸勞症最殺勞蟲用眞川椒紅色者去子及合口以黃草紙二重隔之炒出汗取放地上以砂盆蓋定以火灰密遮四旁約一時許爲細末去殼以老酒浸白糕和丸梧子大每服四十九食前鹽湯下服至一斤其疾自愈此藥兼治諸癰用肉桂煎湯下腰痛用茴香湯下腎冷用鹽湯下昔有一人病此遇異人授是方服至二斤吐出一蟲如蛇而安遂名神授丸方經

歷節風痛白虎歷節風痛甚肉理枯虛生蟲遊走痒痛兼治痹疾半身不遂即止治勞瘵神授丸方

寒濕脚氣川椒二三升疎布囊盛之日以蹈脚貴人所用良方

諸瘡中風生蜀椒一升以少麪和搜裹椒勿令漏氣分作兩裹於燂灰火中燒熟頭作孔當瘡上罨之使椒氣射入瘡中冷即易之須臾瘡中出水及遍體出冷汗即瘳也獨行方

瘡腫作痛生椒末釜下土蕎麥粉等分研醋和傅之外臺方

囊瘡痛痒紅椒七粒葱頭七箇煮水洗之一人途中苦此湘山寺僧授此方數日愈名驅風散方經

手足皴裂椒四合以木煮之去滓漬之半食頃出令燥須臾再浸候乾塗猪羊腦髓極妙勝金方

漆瘡作癢譚氏方用漢椒煎湯洗之相感志云凡至漆所嚼川椒塗鼻上不生漆瘡

夏月濕瀉川椒炒取紅肉苣荬各一兩爲末粳米飯丸梧子大每量人米飲服百丸

餐瀉不化及久痢小椒一兩炒蒼朮二兩土炒礬末醋糊丸梧子大每米飲服五十九丸普濟方

久冷下痢或不痢腰腹苦冷用蜀椒三升酢漬一宿麵三升同椒一升拌作粥食不過三升千金方

老小洩瀉小兒水瀉及人年五十以上患瀉用椒二兩醋二升煮醋盡慢火焙乾碾末磁器貯之每服二錢七酒及米飲下方經

水瀉痢瘕椒一分去目碾漠酥調少少塗臍上日三度方經

食茶面黃川椒紅炒礬漠糊丸梧子大每服十九茶湯下簡便方

傷寒齒齬傷寒嘔血繼而齒縫出血不止用開口川椒四十九粒入醋一盞同煎熟入白礬少許服之指方

風蟲牙痛總錄用川椒紅漠水和白麪丸阜子大燒熟咬之數度愈一方花椒四錢牙早七箇醋一盃煎漱之

頭上白禿花椒漠猪脂調傅三五度便愈普濟方

婦人禿髮漢椒四兩酒浸密室內日日搽之自然長

也聖惠

蠍螫作痛川椒嚼細塗之微麻即止

百蟲入耳川椒研細浸醋灌之自出

毒蛇咬螫以閉口椒及葉搗封之良

蛇入人口因熱取涼臥地下有蛇入口不得出者用

刀破蛇尾納生椒二三粒裏定須臾即自退出也

小兒暴驚啼哭絕死蜀椒左顧牡蠣各六銖以酢漿

水一升煮五合每灌一合

舌蹇語吃川椒以生麪包丸每服十粒醋湯送下

痔漏脫肛每日空心嚼川椒一錢凉水送下三五次

即收

腎風囊痒川椒杏仁研膏塗掌心合陰囊而臥甚效

水氣腫滿椒目炒搗如膏每酒服方寸匕

雷飲腹痛椒目二兩巴豆一兩去皮心熬搗以棗膏

和丸麻子大每服二九吞下其痛即止

又方椒目十四枚巴豆一枚鼓十六枚合搗為二九服之取吐

利

痔漏腫痛椒目一撮碾細空心水服三錢如神

崩中帶下椒目炒碾細每溫酒服一鈞

眼中黑花年久不可治者椒目炒一兩蒼朮炒一兩

為末醋糊丸梧子大每服二十九醋湯下

崖椒集解

蘇頌曰施州一種崖椒葉大於蜀椒彼土人四季采

皮入藥

李時珍曰此即俗名野椒也不甚香而子灰色不黑

無光野人用炒雞鴨食

椒紅氣味

辛辣無毒

忌鹽

李時珍曰有毒

主治

蘇頌曰肺氣上喘兼欬嗽并野薑為末酒服一錢匕

蔓椒釋名

李時珍曰此椒蔓生氣臭如狗銜故得諸名

集解

別錄曰蔓椒生雲中山谷及丘冢間采莖根煮釀酒

陶弘景曰山野處處有之俗呼為樛子似椒櫨而小

不香一名稀椒可以蒸病出汗

李時珍曰蔓椒野生林箐間枝輒如蔓子葉皆似椒

山人亦食之爾雅云椒櫨醜林謂其子叢生也陶氏

所謂樛子當作樛子諸椒之通稱非獨蔓椒也

實根莖氣味

苦溫無毒

主治

本經曰風寒濕痹歷節疼痛除四肢厥氣膝痛煎湯蒸

浴取汗

陳藏器曰根主痔瘻末服羹汁浸之

孟詵曰賊風變急

李時珍曰通身水腫用枝葉煎如汁熬如飴狀每空

心服一匙日三服

掌禹錫曰地椒出上黨郡其苗覆地蔓生莖葉甚細

花作小紫色紫白因舊莖而生

李時珍曰地椒出北地即蔓椒之小者貼地生葉形

小味微辛土人以羹羊肉食香美

實氣味

辛溫有小毒

主治

陳嘉祐曰淋瀝治腫痛可作殺蛙蠱藥

附方

牙痛地花椒川芎等分等分為末擦之

胡椒釋名

李時珍曰胡椒因其辛辣似椒故得椒名實非椒也

集解

蘇恭曰胡椒生西戎形如鼠李子調食用之味甚辛

唐慎微曰按段成式酉陽雜俎云胡椒出摩伽陀國

呼為昧履支其苗蔓生莖極柔弱葉長寸半有細條

與葉齊條上結子兩兩相對其葉晨開暮合合則裹

其子於葉中形似漢椒至辛辣六月采今食料用之

李時珍曰胡椒今南番諸國及交趾滇南海南諸地

皆有之蔓生附樹及作棚引之葉如扁豆山藥輩正

月開黃白花結椒纒藤而生狀如梧桐子亦無

核生青熟紅青者更辣四月熟五月采收暴乾乃皺

今遍中國食品為日用之物也

實氣味

辛大溫無毒

李時珍曰辛熱純陽走氣助火昏目發瘡

李珣曰多食損肺令人吐血

主治

唐本草曰下氣溫中去痰除臟腑中風冷

李珣曰去胃口虛冷氣宿食不消霍亂氣逆心腹卒

痛冷氣上衝

大明曰調五臟壯腎氣治冷痢殺一切魚肉鼈蠶毒

寇宗奭曰去胃寒吐水大腸寒滑

李時珍曰暖腸胃除寒濕反胃虛脹冷積陰毒牙齒

浮熱作痛

發明

寇宗奭曰胡椒去胃中寒痰食已則吐水甚驗大腸

寒滑亦可用須以他藥佐之過劑則走氣也

朱震亨曰胡椒屬火而性燥食之快膈喜之者衆積

久則脾胃肺氣大傷凡病氣疾人益大其禍也牙齒

痛必用胡椒草荑者散其中浮熱也

李時珍曰胡椒大辛熱純陽之物腸胃寒濕者宜之

熱病人食之動火傷氣陰受其害時珍自少嗜之歲

歲病目而不疑及也後漸知其弊遂痛絕之目病亦

止纔食一二粒即便昏濇此乃昔人所未試者蓋辛

走氣熱助火此物氣味俱厚故也病咽喉口齒者亦

宜忌之近醫每以葶豆同用治病有效蓋豆寒椒熱

陰陽配合得宜且以豆制椒毒也按張從正儒門事

親云噎膈之病或因酒得或因氣得或因胃火醫氏

不察火裏燒薑湯中煮桂丁香未已豆蔻繼之葶荑

未已胡椒繼之雖曰和胃胃本不寒雖曰補胃胃本

不虛況三陽既結食必上朝止宜湯丸小小潤之可

也時珍竊謂此說雖是然亦有食入反出無火之證

又有痰氣鬱結得辛熱暫開之證不可執一也

附方

心腹冷痛胡椒三七枚清酒吞之或云一歲一粒

心下大痛毒域方用椒四十九粒乳香一錢研勻男

用生薑女用當歸酒下 又方用椒五分沒藥三錢

研細分二服溫酒下 又方胡椒葶荑各四十九粒

研爛酒下神效

霍亂吐利孫真人用胡椒三十粒以飲吞之 直指

方用胡椒四十九粒葶荑一百四十九粒研勻木瓜

湯服一錢

反胃吐食戴原禮方用胡椒醋浸日乾如此七次為

漢酒糊丸梧子大每服三四十九粒醋湯下 聖惠方

用胡椒七錢半煨薑一兩水煎分二服 是齋百一

方用胡椒半夏湯泡等分為末薑汁糊丸梧子大每

薑湯下三十九

夏月冷瀉及霍亂用胡椒碾末飯丸梧子大每米飲

下四十九

赤白下痢胡椒菜豆各一歲一粒為末糊丸梧子大

紅用生薑白用米湯下

大小便閉關格不通脹悶二三日則殺人胡椒二十

一粒打碎水一盞煎六分去滓入芒硝半兩煎化服

小兒虛脹塌氣丸用胡椒一兩蠅尾半兩為末麝香

九粟米大每服五七丸陳米飲下一加萊服子半兩

虛寒積癖在背膜之外流於兩脅氣逆喘急久則榮

衛凝滯潰為癰疽多致不救用胡椒二百五十粒蠅

尾四箇生木香二錢半為末粟米飯丸葶荑大每服

二十九橘皮湯下名磨積丸

房勞陰毒胡椒七粒葱心二寸半麝香一分搗爛以

黃蠟溶和做成條子插入陰內少頃汗出即愈

方

驚風內釣胡椒木鼈子仁等分為末醋調黑豆末和

杵丸葶荑大每服三四十九粒芥湯下

發散寒邪胡椒丁香各七粒碾碎以葱白搗膏和塗

兩手心合掌握定夾於大腿內側溫覆取汗則愈

要

傷寒欬逆日夜不止寒氣攻胃也胡椒三十粒打碎

麝香半錢酒一鍾煎半鍾熱服

風蟲牙痛衛生易簡方用胡椒葶荑等分為末蠟丸

麻子大每用一丸塞蛀孔中 韓氏醫通治風蟲客

寒三般牙痛呻吟不止用胡椒九粒菜豆十一粒布

裹搥碎以絲綿包作一粒患處咬定涎出吐去立愈

普濟方用胡椒一錢半以羊脂拌打四十九擦之

追涎

阿伽陀丸治婦人血崩用胡椒紫檀香鬱金茜根小

葉皮等分為末水丸梧子大每服二十九阿膠湯下

李時珍曰按酉陽雜俎胡椒出摩伽國此方之名

因此而訛者也

沙石淋痛胡椒朴硝等分為末每服用二錢白湯下

日二名二拗散

蜈蚣咬傷胡椒嚼封之即不痛

畢澄茄釋名

李時珍曰番語也

集解

陳藏器曰畢澄茄生佛誓國狀似梧桐子及蔓荊子而微大

李珣曰胡椒生南海諸國向陰者為澄茄向陽者為胡椒按顧微廣州志云澄茄生諸海國乃嫩胡椒也青時就樹采摘柄粗而蒂圓

蘇頌曰今廣州亦有之春夏生葉青滑可愛結實似梧桐子微大八月九月采之

李時珍曰海南諸番皆有之蔓生春開白花夏結黑實與胡椒一類二種正如大腹之與檳榔相近耳

修治

雷斅曰凡采得去柄及皺皮子用酒浸蒸之從已至酉杵細曬乾入藥用

實氣味

辛溫無毒

李珣曰辛苦微溫

主治

陳藏器曰下氣消食去皮膚風心腹間氣服令人能食療鬼氣能染髮及香身

大明曰治一切冷氣痰癖并霍亂吐瀉肚腹痛腎氣勝脫冷

李時珍曰暖脾胃止嘔吐噦逆

附方

脾胃虛弱胃膈不快不進飲食用畢澄茄為末薑汁打神麴糊丸梧子大每薑湯下七十九日二服
噎食不納畢澄茄白芨薏等分為漢乾祇之
神方

反胃吐食吐出黑汁治不愈者用畢澄茄為漢米糊丸梧子大每薑湯下三四十日一服愈後服平胃散三百貼
針方

傷寒欬逆呃噫日夜不定者用畢澄茄高良薑各等分為漢每服二錢水六分煎十沸入酢少許服之
經方

痘瘡入目羞明生翳畢澄茄末吹少許入鼻中三五次效
集方

鼻塞不通肺氣上攻而致者畢澄茄丸用畢澄茄半兩薄荷葉三錢荆芥穗一錢半為末蜜丸芡子大時時含嚥
御方

附錄山胡椒

蘇恭曰所在有之似胡椒色黑顆粒大如黑豆味辛大熱無毒主心腹冷痛破滯氣俗用有效

高濂草花譜

番椒

番椒叢生白花子儼似禿筆頭味辣色紅甚可觀子種

遵生八牋

製川椒法

擇鮮紅開口者用閉口者不用將粗紙視鍋底微火炒脆碾為細末用紙鋪地下火毒一夜方收聽用椒乃通氣之物去寒氣通滯氣清心明目大有奇效也

椒部藝文一

椒華銘

嘉哉芳椒載繁其實厥味維珍獨除百疾肇惟歲始月正元日永介眉壽以祈初吉

椒贊

郭璞

椒之灌植實繁有倫拂穎霜朱實芬辛服之不已洞見通神

元日獻椒花頌

劉臻妻

璇穹周迴三朔肇建青陽散輝澄景載渙美哉靈葩爰采爰獻聖容映之未壽於萬

椒部藝文二

椒園

唐王維

桂尊迎帝子杜若贈佳人椒漿奠瑤席欲下雲中君

椒園

裴迪

丹刺習人衣芳香留過客幸堪調鼎用願君垂采摘

寄懷歸州馬判官

僧齊己

三年為倖與何長高臥應多事少忙又見秋風霜裊樹滿山椒熟水雲鄉
次韻袁公濟謝芍椒

宋蘇軾

燥吻時時著酒濡要令臥疾致文殊河魚潰腹空號
楚汙水流散始信吳自笑方求三歲艾不如長作獨
眠夫羨君清瘦真仙骨更助飄飄鶴背軀

地椒 元許有壬

凍雨催花紫輕風散野香刺沙尖葉細敷地亂條長
楚客收成裏奚童擷滿筐行廚供草具調鼎爾非良

花椒 明僧宗林

忻忻笑口向西風噴出元珠顆類同采處倒含秋露
白曬時嬌映夕陽紅調漿美著騷經上塗壁香凝漢
殿中鼎餽也應加此味莫教薑桂獨成功

椒部選句

楚屈原離騷雜申椒與菌桂兮 又巫陽將夕降兮懷
椒醕以要之

九歌奠桂酒兮椒漿 又播芳椒兮盈堂

九章惟佳人之獨處兮折若椒以自度

漢司馬相如子虛賦椒桂木蘭

劉向九歎懷椒聊之設設兮

魏曹植七啓紫蘭丹椒施和必節

晉左思蜀都賦或蕃丹椒

周庾信詩椒花逐頌來 又紅椒艷復殊

唐孟浩然詩石上攢椒樹

杜甫詩守歲阿戎家椒盤已頌花 又椒實雨新紅

李賀詩椒花墜紅濕雲間

白居易詩聞道雲南有瀘水椒花落時瘴烟起

宋歐陽修詩梯林闢摘椒

蘇軾詩胡椒林雨多安用八百斛

陸游詩橙椒香美白鷺肥

元馬祖常詩椒花染紫風雨香

張翥詩流風落野椒 又紅椒花露濕妝痕

椒部紀事

范子計然蜀椒出武都赤色者善秦椒出天水隴西
細者善

四民月令正月之且進酒降神畢室家無大小次坐
先祖之前子孫各上椒酒於其家長稱畢白

張璠漢記桓帝寶皇后崩中常侍曹節王甫欲以貴
人禮葬太尉李固自扶輿起搗椒自隨語妻子曰若

太后不得配桓帝吾不生還矣

魏氏春秋同異鍾繇嬖庶子會之母黜嫡夫人文帝

命復焉繇志念餐椒致噤帝乃止

煥煌新錄胡蘇割刺在答魯之右大澤中高百尋然
無草木石皆赭色山產椒椒大如彈丸燃之香徹數

十里每燃椒則有鳥自雲際踰騰五色名緒爾鳥蓋
鳳凰種也時漢武帝遣將軍趙破奴逐之得其椒不

能解詔問東方朔朔曰此天仙椒也塞外千里有之
能致鳳武帝植之太液池至元帝時椒生果有異鳳

翔集

續漢書天竺國出石蜜胡椒黑鹽

晉書石崇傳崇與貴戚王愷羊琇之徒以奢靡相尚
崇塗屋以椒愷用赤石脂

南史齊高帝諸子傳豫章文獻王嶷第二子子恪建
武中爲吳郡太守及大司馬王敬則於會稽反奉子

恪爲名而子恪奔走未知所在始安王遙光勸上併
誅高武諸子孫於是並殺竟陵王昭胄等六十餘人

入未福省令太醫煮椒二斛并命辦數十具棺材謂
舍人沈徽孚曰椒熟則一時賜死期三更當殺之會

上暫臥主書單景偁啓依旨斃之徽孚堅執曰事須
更審爾夕三更子恪徒跣奔至建陽門上聞驚覺曰

故當未賜諸侯命耶徽孚以答上撫牀曰遙光幾悞
人事及見子恪顧問流涕諸侯悉賜供饌以子恪爲

太子中庶子

唐書元載傳載縱諸子關通貨賄大曆十二年三月
賜載自盡籍其家鍾乳五百兩胡椒至八百石他物

稱是

鄆侯家傳唐德宗好茶加酥椒

監察本草御史裏行及試員外爲合口椒最毒殿中

曰生薑侍御爲脆梨漸入佳味監察爲開口椒毒微

歌

宋史地理志黎州貢紅椒廣州貢胡椒
明會典洪武十六年今在京文武官吏人等正旦元
宵節錢支與胡椒斤兩不等

瀛涯勝覽蘇門答刺者即古須文達那國其地依山
則種椒園蔓生如中國茄菜狀花黃子白其實初青
老則紅半老則采之暴乾每百斤直白金一兩
阿枝國產胡椒往往種於園四百斤直金錢百文銀
直五兩珠以分論

古俚國產胡椒亦以園種十月熟

枝山前聞鄉先生盛起東寅嘗夜夢有人寄椒於家
久矣急欲椒遂私發而用之既覺深自咎曰豈吾平
日義心不明以致此耶迄不能寐坐以待旦
四川志各州縣俱出椒惟茂州出者最佳其殼一開
一合者最妙

椒部雜錄

莊子韋以哀椒雖踰絺絺然久則臭

荀子民之親我驪若父母其好我芬若椒蘭

史記禮書椒蘭芬苾所以養鼻也

淮南子申椒杜芷美人之所懷服也及漸之于滌則
不能保其芳矣

漢官儀皇后稱椒房取其實蔓延盈升以椒塗室亦
取其溫暖

孝經援神契椒薑禦濕菖蒲益聰

酉陽雜俎椒可以來水銀菜莢氣好上椒氣好下

風土記三香椒檳薑

物類相感志用鹽搗椒椒味好

東坡詩注吳眞君服椒法并歌曰其椒應五行其仁
通五義服之半年內脚心汗如水

欽定古今圖書集成博物彙編草木典

第二百五十一卷目錄

樑部彙考

本草綱目 樑子

槿部彙考

本草綱目 槿子

枸部彙考

詩經 小雅南山有臺

毛詩陸疏廣要 南山有枸

本草綱目 枸骨

械部彙考

械圖

詩經 大雅鸛皇矣

爾雅 釋木

山海經 西山經

毛詩陸疏廣要 柞械拔矣

徐光啓農政全書 桑枝樹考

本草綱目 桑枝

械部紀事

樑部彙考

本草綱目 樑木

懷部彙考

懷圖

賈思勰齊民要術 沙木

本草綱目 沙木類

櫻部彙考

山海經 西山經

櫻部選句

樑部彙考

詩經 大雅皇矣

爾雅 釋木

山海經 北山經 中山經 海內經

毛詩陸疏廣要 其種其樑

本草綱目 靈壽木

樑部藝文一

靈壽杖銘

漢李尤

樑部藝文二 詩

植靈壽木

唐柳宗元

靈壽木

宋張浮休

樑部選句

樑部紀事

樑部雜錄

草木典第二百五十一卷

樑部彙考

圖闕

本草綱目

樑子集解

陳藏器曰樑子似梨生江南左思吳都賦樑雷響霜是也

李時珍曰樑雷二果名按薛瑩荊陽異物志云樑子

樹南越丹陽諸郡山中皆有之其實如梨冬熟味酢

雷子樹生交廣武平與古諸郡山中三月著花結實如梨七八月熟色黃味甘酢而核甚堅

實氣味

甘溫平無毒

主治

陳藏器曰生食之止水痢熟和蜜食之去嗽

樑部彙考

圖闕

本草綱目

樑子集解

李時珍曰徐表南州記云出九真交趾樹生子如桃實長寸餘二月開花連著子五月熟色黃鹽藏食之味酸似梅

枸部彙考

釋名

枸 詩經

枳枸 詩傳

木蜜 詩疏

枸骨 綱目

貓兒刺 綱目

圖闕

詩經

小雅南山有臺

南山有枸北山有枳

傳 枸枳枸 正義曰枸釋木無文宋玉賦曰枳枸來巢則枸木多枝而曲所以來巢也陸璣疏云枸樹高大似白楊有子著枝端大如指長數寸噉之甘美如飴八月熟今官園種之謂之木蜜

毛詩陸疏廣要 小雅

南山有枸 枸樹山木其狀如櫨一名枸骨高大如白楊所在山中皆有理白可為函板枝柯不直子著枝端大如指長數寸噉之甘美如飴八九月熟江南特美今官園種之謂之木蜜古語云枳枸來巢言其味甘故飛鳥慕而巢之本從南方來能令酒味薄若以為屋柱則一屋之酒皆薄

宋玉賦曰枳枸來巢謂枸木多枝而曲所以來巢也本草枳椇一名木蜜以木為屋屋中酒則味薄註云昔有南人修舍用此木椇有一片落在酒甕中其酒化為水味唐本註云其樹徑尺木名白石葉如桑柘其子作房似珊瑚核在其端埋雅云根木高大似白楊子依房生著枝端大如指長數寸噉之甘味如飴今俗謂之枳椇古今註一名樹蜜一名木餒實形卷曲核在實外一名白石白實木石木實爾雅翼古者人君燕食所加庶羞凡三十一物根其一也又婦人之贊根榛栗栗荆楚之俗亦鹽藏荷裏以為冬儲今不以為重賤者食之而已明堂位四代之俎商以棋蓋俎足橫木為曲撓之形如根枳之枝也今人謂之枳椇又謂之蜜曲錄荀子枸木必待鑿括丞矯然後直廣志云葉似

蒲柳子十一月熟樹乾者益美或云果名一名白石李通志枳椇蜀人謂之枸詩緝云疏引宋玉賦枳椇來巢以證毛說然風賦字作枳句李善註云橘踰淮為枳句曲也句音溝非毛義也

本草綱目 枸骨釋名

陳藏器曰此木肌白如狗之骨 李時珍曰葉有五刺如猫之形故名又衛矛亦名枸骨與此同名

集解

陳藏器曰枸骨樹如杜仲詩云南山有枸是也陸璣詩疏云山木也其狀如櫨木理白滑可為函板有木宜在葉中卷之如子羽化為宜

蘇頌曰多生江浙間南人取以旋斂器甚佳

李時珍曰枸骨樹如女貞肌理甚白葉長二三寸青翠而厚硬有五刺角四時不凋五月開細白花結實如女貞及菝葜子九月熟時緋紅色皮薄味甘核有四瓣人采其木皮煎膏以粘鳥雀謂之粘糊

木皮氣味 微苦涼無毒 木皮主治 陳藏器曰浸酒補腰脚令健 枝葉氣味 同皮 枝葉主治 陳藏器曰燒灰淋汁或煎膏塗白瘰癧

械部彙考

釋名

械

詩經

穉核 本經

白桺 爾雅

械圖



詩經

大雅綿

柞械拔矣

穉 械白桺也

疏 械白桺釋木文郭璞曰桺小木也

叢生有刺實如耳瑠紫亦可食陸璣疏云三蒼說械即柞也其材理全白無赤心者為白桺直理易破可為櫓車又可為矛戟於今人謂之白桺或曰白柞此二說不同未知孰是

皇矣

柞械斯拔松柏斯允爾雅

釋木

械白桤

註 桤小木叢生有刺實如耳璫紫亦可啖 械一名白桤郭云桤小木叢生有刺實如耳璫紫亦可啖詩大雅云芄芄械模陸璣云三蒼說械即柞也其材質全白無赤心者為白桤直理易破可為櫝車輻又可為牙戟於今人謂之白桤或曰白柞此二說不同未知孰是

山海經 西山經 隃次之山其上多械櫝毛詩陸疏廣要 大雅 柞械拔矣 柞械三蒼說械即柞也其材質全白無赤心者為白桤直理易破可為櫝車輻又可為牙戟鐵爾雅云械白桤郭云小木叢生有刺實如耳璫紫亦可啖鄭註即山柞也爾雅翼柞生南方葉細而密今人為梳用之詩雅道柞為尤多方周之與太姒夢商之庭產棘小子發取周庭之梓植之于闕間梓化為松柏柞械覺驚以告文王文王曰勿言冬日之陽夏日之陰不召而物自來以為宗周與王之兆故詩曰帝省其山柞械斯拔松柏斯允帝作邦作對自太伯王季未必不謂此也又述文王之事曰柞械拔矣山木多矣而獨言柞械蓋柞民

之所燎且至于聳拔則其餘可知也齊民要術稱柞斫去尋生料理還復蓋良木之易成者然亦非人力料理有不可復此以見太王之勤也又言柞宜種於山阜之曲十年中椽二十年中屋椽柴在外然則為利亦博矣通志柞木曰械曰柞曰柞爾雅云柞柞詩析其柞薪又曰柞械斯拔陸璣云三蒼云械即柞也其葉繁茂其木堅韌有刺今人為梳亦可以為車軸嚴粲云柞櫝也即唐風鴛羽所謂柞也

據陸氏釋柞械與唐風集于苞柞之柞秦風山有苞櫝之櫝一物也秦人謂柞為櫝徐州人謂櫝為柞不過方言或異耳嚴華谷亦云然但鄭漁仲謂柞柞為柞謂櫝為柞別是一種本草又以櫝櫝稍有差別朱子解柞云枝長葉盛叢生有刺却與櫝葉如栗葉者不同况柞十年中椽二十年中屋而朱子解械云小木叢生有刺何相去之遠耶可見械是小木所謂無赤心實如耳璫者是也柞柞櫝是大木所謂栗屬樹大蔽牛者是也但鄭氏認械是山柞恐未必然

徐光啓農政全書 是山柞恐未必然 救饑

蕤核樹考

蕤核樹俗名蕤李子生函谷川谷及巴西河東皆有今古嶠關西茶店山谷間亦有之其木高四五尺枝條有刺葉細似枸杞葉而尖長又似桃葉而狹小亦薄花開白色結子紅紫色附枝莖而生狀類五味子其核仁味甘性溫微寒無毒其果味甘酸

摘取其果紅紫色熟者食之本草綱目

蕤核釋名

李時珍曰爾雅械白桤即此也其花實蕤蕤下垂故謂之桤後人作蕤柞木亦名械而物異

集解

別錄曰蕤核仁生函谷川谷及巴西

陶弘景曰今出彭城大如烏豆形圓而扁有文理狀似胡桃核今人皆合殼用此應破取仁秤之

韓保昇曰今出雍州樹生葉細似枸杞而狹長花白子附莖生紫赤色大如五味子莖多細刺五月六月熟采實日乾

蘇頌曰今河東并州亦有之木高五七尺莖間有刺

李時珍曰郭璞云白桤小木也叢生有刺實如耳璫紫亦可食即此也

仁修治

雷斅曰凡使蕤核仁以湯浸去皮尖擊作兩片每四兩用芒硝一兩木通草七兩同水煮一伏時取仁研膏入藥

氣味

甘溫無毒

別錄曰微寒

吳普曰神農雷公甘無毒生平地八月采之

主治

本經曰心腹邪熱結氣明目目赤痛傷淚出目腫皆爛入服輕身益氣不饑 吳普曰強志明耳目

別錄曰破心下結痰痞氣艱鼻
甄權曰治鼻衄

陳藏器曰生治足睡熱治不眠

發明

陶弘景曰醫方惟以療眼仙經以合守中丸也

蘇頌曰按劉禹錫傳信方所著治眼法最奇云眼風
痒或生翳或赤眚一切皆主之宣州黃連末麤核仁
去皮研膏等分和勻取無蚶乾棗二枚割下頭去核
以二物填滿却以割下頭合定用少薄綿裹之大茶
盃盛於銀器中文武火煎取一鷄子大以綿濾攪收
點眼萬萬不失前後試驗數十人皆應今醫家亦多
用得效也

附方

春雪膏治肝虛風熱上攻眼目昏暗痒痛隱澀赤腫
羞明不能遠視迎風有淚多見黑花用麤仁去皮壓
去油二兩腦子二錢半研勻生蜜六錢和收點眼

方局

百點膏治一切眼疾麤仁去油三錢甘草防風各六

錢黃連五錢以三味熬取濃汁次下麤仁膏日點

集效

撥雲膏取下翳膜麤仁去油五分青鹽一分猪脂子
五錢共搗二千下如泥罐收點之 又方麤仁一兩
去油入白蓬砂一錢麝香二分研勻收之去翳妙不
可言

飛血眼麤仁一兩去皮細辛半兩苦竹葉三握洗水

二升煎一升濾汁頻濕洗之

赤爛眼近效方用麤仁四十九箇去皮胡粉煨如金

色一鷄子大研勻入酥一杏仁許龍腦三豆許研勻
油紙裹收每以麻子許塗大小眚上頻用取效 經
驗良方用麤仁杏仁各一兩去皮研勻入膩粉少許
爲丸每用熱湯化洗

械部紀事

朱書符瑞志文王之妃曰太姒夢商庭生棘太子發
植梓樹於闕間化爲松柏械梓以告文王文王幣告
羣臣與發並拜吉夢

機部彙考

圖闕

本草綱目

機木集解

陳藏器曰機木生江南深山大樹樹有數種取葉厚
大白花者入藥自餘灰入藥家用
李時珍曰此木最硬梓人謂之機筋木是也木入藥
絳用葉亦可釀酒

木灰氣味

甘溫小毒

主治

陳藏器曰卒心腸癢痕堅滿痲淋汁八升釀米一
斗待酒熟每溫飲半合漸增至一二盞即愈

機部彙考

釋名

莎木

機木 綱目

機木 綱目

機圖

